



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2462/11
Sarajevo, 24.2.2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:	27-02-2012		
Organizaciona jedinica	Konferencijska soba	Redni broj	Broj priloga
01-50-1-15-14/11			

PARLAMENTARNA SKUPŠTINA BiH

- Zastupnički dom -


SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 2. sjednici održanoj 23.2.2012. godine, utvrdilo je Odgovor na zastupničko pitanje koje je postavio Adnan Bašić, zastupnik u Zastupničkom domu Parlamentarne skupštine Bosne i Hercegovine.

U prilogu prosljeđujemo Odgovor radi njegovog dostavljanja zastupniku.

S poštovanjem,



GENERALNI TAJNIK
Zvonimir Kutleša



BOSNA I HERCEGOVINA
VIJEĆE MINISTARA

Broj: 05-50-1-2462/11
Sarajevo, 23.2.2012. godine

ADNAN BAŠIĆ, poslanik u Predstavničkom domu Parlamentarne skupštine Bosne i Hercegovine, na 14. sjednici Predstavničkog doma Parlamentarne skupštine Bosne i Hercegovine održanoj 24.11.2011.godine postavio je sljedeće poslaničko pitanje:

„Da li će Predstavničkom domu biti predočena evidencija pasivnog podbilansa u BiH?”

Na poslaničku inicijativu, Vijeće ministara Bosne i Hercegovine na 2. sjednici održanoj 23.2.2012. godine, utvrdilo je sljedeći:

ODGOVOR

Vijeće ministara Bosne i Hercegovine aktom br. 05-50-1-2462/11 od 5.12.2011.godine, u vezi poslaničkog pitanja poslanika Adnana Bašića, je zatražilo od Ministarstva finansija i trezora Bosne i Hercegovine da pripremi prijedlog odgovora na poslaničko pitanje, te da isti dostavi Vijeću Ministara radi razmatranja i utvrđivanja odgovora. Imajući u vidu činjenicu da ovo poslaničko pitanje zahtjeva odgovor više organa; državnih ministarstava i ministarstava entiteta, mi ćemo dati obrazloženje pitanja iz naše nadležnosti.

U vezi sa naprijed navedenim dajemo sljedeću informaciju:

Vijeće ministara Bosne i Hercegovine razmatralo je u okviru Izvještaja o pregovorima ekspertne delegacije Bosne i Hercegovine i delegacije Republike Hrvatske, o Nacrtu bilateralnog ugovora o imovinsko - pravnim odnosima i tom prilikom donijelo zaključak, *da se od vladu entiteta i Brčko Distrikta BiH, zatraži izvještaj o evidenciji imovine pasivnog podbilansa pravnih lica sa teritorije Federacije Bosne i Hercegovine, Republike Srpske i Brčko Distrikta BiH, u drugim državama nasljednicama bivše SFRJ.*

Postupajući po navedenom zaključku Vijeća ministara Bosne i Hercegovine, Ministarstvo finansija i trezora Bosne i Hercegovine, u više navrata pismeno zatražilo od vlada entiteta i Distrikta Brčko Bosne i Hercegovine, izvještaj o evidenciji imovine pasivnog podbilansa pravnih lica, čije se sjedište nalazi na teritoriji dotičnog entiteta i Distrikta Brčko Bosne i Hercegovine. Međutim, i pored našeg insistiranja putem telefona i pismenih urgencija na obavezu iz navedenog zaključka, do danas nismo dobili potpune podatke od subjkata koji imaju aktivnu legitimaciju u Federaciji Bosne i Hercegovine, Republike Srpske i Distrikta Brčko Bosne i Hercegovine., već su dostavljeni djelimični i nepotpuni podaci.

Činjenica je da bilateralni ugovori o imovinsko pravnim odnosima, koji nisu zaključeni između zemalja nasljednica bivše SFRJ, *nisu prepreka da subjekti koji imaju pravo aktivne legitimacije u osvarivanju prava iz pasivnog podbilansa, poduzmu mjere zaštite navedene imovine.*

Sporazumom o pitanjima sukcesije bivše SFRJ, uspostavljeni su principi, da odredbe bilateralnih ugovora o rješavanju imovinsko - pravnih odnosa, između država nasljednica

bivše SFRJ, moraju da uvažavaju odredbe Aneksa „G“. U članu 4. Aneksa „G“, predviđeno je da će države nasljednice poduzimati takve radnje, koje su inače odgovarajuće za osiguranje efikasne primjene principa navedenih u Aneksu „G“, **kao što je zaključivanje bilateralnih sporazuma i obavještanje sudova i drugih nadležnih organa.**

Uvažavajući sadašnju ustavno pravnu strukturu u Bosni i Hercegovni, gdje je entitetima dodijeljena izričita odgovornost za imovinu, koja se nalazi na njihovoj teritoriji, kao i prava na imovinu i obaveze u drugim državama nasljednicama bivše SFRJ, a s ciljem ažuriranja obaveza nadležnih organa, Vijeće ministara Bosne i Hercegovine, donijelo je Odluku o obavezi zaštite državne imovine, finansijskih potraživanja i dugovanja pravnih osoba iz BiH u drugim državama bivše SFRJ („Službeni glasnik BiH“, br. 2/04).

U članu 1. ove Odluke, precizno je navedeno pravo i obaveza aktivne legitimacije za zaštitu stvari i prava, iskazanih u Pasivnom podbilansu, Agencija za privatizaciju u Federaciji Bosne i Hercegovine i Ministarstva za ekonomske odnose koordinaciju u RS, sada Razvojne banke Republike Srpske.

Vijeće ministara Bosne i Hercegovine, je razmatralo informaciju o naplati potraživanja firmi iz Bosne i Hercegovine od SDPR-a i zaključilo da Ministarstvo finansija i trezora BiH, ostvari punu koordinaciju subjekata, koji imaju pravo aktivne legitimacije u ostvarivanju prava i obaveza, po osnovu pasivnog podbilansa. Aktivnosti naplate potraživanja od SDPR-a, odvijale su se kroz neposredni kontakt sa predstavnicima SDPR-a. Na sastancima koji su održani u Beogradu i Sarajevu, gdje je trebalo sravniti stanja, izostala je aktivnost pojedinih subjekata koji imaju pravo aktivne legitimacije, pa je do sada ovaj posao djelomično realizovan. Vrlo je značajno da je Vlada Federacije Bosne i Hercegovine, svojim zaključcima dala puni kapacitet Agenciji za privatizaciju, za realizaciju ovih aktivnosti, kao subjekta kojem je neposredno utvrđeno pravo aktivne legitimacije za navedena potraživanja. Uvažavajući značaj ovog pitanja za Federaciju Bosne i Hercegovine, kao i Bosnu i Hercegovinu, a s ciljem obezbjeđenja adekvatnih kapaciteta za upravljanje ovom imovinom, u više navrata je upućen zahtjev Federaciji Bosne i Hercegovine, za ažuriranje aktivnosti na uspostavi i organizaciji rada *Direkcije za upravljanje Pasivnim podbilansom preduzeća i banaka u Federaciji Bosne i Hercegovine. Naime, članom 35b. do 35k. Zakona o izmjenama i dopunama Zakona o početnom bilansu stanja preduzeća i banaka; („Službene novine Federacije Bosne i Hercegovine“, br. 47/06), pravo aktivne legitimacije za Pasivni podbilans, nominirano je na *Direkciju za upravljanje Pasivnim podbilansom preduzeća i banaka u Federaciji Bosne i Hercegovine.* Do danas nije uspostavljen rad ove direkcije.*

Sama činjenicu, da do danas nije upostavljen rad Direkcije za Pasivni podbilans, čime bi se obezbjedili adekvatni kapaciteti kao subjekta aktivne legitimacije, dovoljno govori.

Imajući u vidu naprijed navedeno Vijeće ministara Bosne i Hercegovine je donijelo zaključak da se **“Zadužuju organi koji imaju pravo aktivne legitimacije za stvari i prava iskazana u Pasivnom podbilansu; agencije za privatizaciju u Federaciji Bosne i Hercegovine i Ministarstvu za ekonomske odnose i koordinaciju u RS, da ažuriraju svoje obaveze koje su utvrđene u Odluci Vijeća ministara Bosne i Hercegovine o obavezi zaštite imovine iskazane u Pasivnom podbilansu”.**

I pored upornog insistiranja da se ažuriraju obaveze organa koji imaju pravo aktivne legitimacije za zaštitu prava i stvari na imovinu iskazanu u Pasivnom podbilansu, prema našim informacijama, do danas ove aktivnosti su djelomično ralaizovane.